

**24 SEPTEMBRIE**  
**RUGACIUNEA 6**  
**SF.CUVIOS**  
**SILUAN ANTONOV**  
**DE LA SF.PANTELIMON-ATHOS**

**Молитва**

О, Преподобне и Богоносне отче наш Силуане, возлюбивый непостижимо явльшагося тебе Христа паче всякаго инаго блага и всякия иныя красоты, и взыскавый Сего с великим плачем в житии твоём, ныне же веселяся с Небесными Силами, ненасытимо насыщайся неизреченныя Его доброты, молим тя, преблаженне, призри с небес на ны, недостойныя, с любовию творящия память твою святую, и прииди и стани среди нас, и буди сам ты начальник сего торжества нашего. Отче предивне силуане, еще в житии сем насладивыйся Духом Святым, Иже неисповедимым пришествием Своим даде ти узнати и познати Христа Бога, и уподобитися Ему в любви к человеку, молим тя, помяни нас, чад твоих, в тесноте и скорбех сущих: болезнуя на земли в молитвах о мире, ныне же

безболезненно предстоя престолу Господа Славы, испроси миру мир, Церкви Православной утверждение, священником — заступление, маложушным — трепение, омраченным — просвещение, отчаянным — непостыдную надежду, скорбящим — утешение, умирающим — благое напутствие и усопшим — отраду и упокоение в Бозе.

Ей, отче наш Силуане, услыши нас, бедствующих в мире сем, страстей бурею потопляемых, и умири жизнь нашу, отыми от нас всяку вражду и неприязнь, защити нас предстательством твоим от всякаго навета вражия, научи нас любви, милосердию и единомыслию, да вси согласно славим Творца, Отца и Сына и Святаго Духа, ныне и присно и во веки веков. Аминь.